

## ضبط مصنع

يللا تعالي وشوفي مين بمكانك  
شوفي بديلك بوسط القلب مترع  
وسط الحنايا أخذ أضعاف تحنانك  
له عنصر الحب في الخفاق متشبع  
شوفي فؤادي سليه الحين عنوانك  
سليه لو كان دلّ جهاتك الأربع  
عز الله إنه نساك وهد بنيانك  
ما ظن لك شي باقي عندنا يشفع  
حطمت نفسي وبعث الكل من شانك  
ومن يعذلك كان قدرك عندنا يرفع  
ما حد بلغ بالمحبة ثقل ميزانك  
يومك في القلب عندي بمنزلة تبع  
والحين والله بعتك برخس أثمانك  
ما يهم لو جيت عندي عينك بتدمع

لو تذرف الدمع عينك دم شريانك  
يحرم على القلب بعد اليوم لك يرجع  
من جا على الشط فكرتیه ربانك  
يغرك المال يا مغرور به تطمع  
تجاهلين الحقيقة عند بهتانك  
للذل نفسي أبد يا بنت ما تخضع  
لتفكري القلب مو قادر لنسيانك  
بنساک لو استعيد الضبط للمصنع  
لتقولي صعبة تشوفي الغير بمكانك  
بصبع إشارة وبدل حضرتك أربع  
يخونه الوقت يا الخفاق من خانك  
وتهون يا قلب دامه من فُطم يقنع